

Ժողովուրդ

130
(2980)

26 սեպտեմբերի հինգշաբթի 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՓԱՇԻՆՅԱՆԸ ՎՍՏԱՐ Է՝ 2026-Ի ԸՆՏՐՈՒԹՅՈՒՆՆԵՐՈՒՄ ԿՐԱՂԹԵՆ



Նիկոլ Փաշինյանն իր թիմակիցներին վստահեցրել է՝ առանց խոչընդոտների իրենք հաղթելու են ԱԺ հերթական՝ 2026 թվականի ընտրություններում. տեխնիկական, կազմակերպչական հարցերն են մնացել լուծելու: Նա հորդորել է թիմակիցներին, թե պետք է հետագայի՝ 2031-ի ընտրությունների մասին մտածել:

«Ժողովուրդ» օրաթերթի տեղեկություններով՝ ԶՊ-ականները վերջին շրջանում լուրջ մտահոգություններ են ունեցել, որ իրենց իշխանության օրոք Հայաստանի առջեւ ծառայած մի շարք անվտանգային խնդիրների ֆոնին իրենց վարկանիշը կտրուկ անկում է ունեցել, եւ գնալով իրավիճակն ավելի է բարդանում, ու կարող է 2026 թվականի ընտրությունների ժամանակ լուրջ խնդիրների առջեւ կանգնել՝ ընդհուպ չկարողանալ վերարտադրվելու համար անհրաժեշտ ձայներ հավաքել:

Նիկոլ Փաշինյանը, սակայն, հանգստացրել է թիմակիցներին՝ ասելով, որ մտահոգվելու կարիք չկա, 2026 թվականին իրենք իշխանության են մտնու, առանց որեւէ խոչընդոտի հաղթելու են ընտրությունները:

Փոխարենը, Փաշինյանը հորդորել է մտածել հաջորդ՝ 2031 թվականի ընտրությունների մասին:


«Ժողովուրդ» օրաթերթը թեմայի առնչությամբ ԶՊ խմբակցության պատգամավոր Արմեն Խաչատրյանից հետաքրքրվել է՝ արդյոք Նիկոլ Փաշինյանը ներկուսակցական հանդիպումների ժամանակ նման վստահեցում տվել է:

«Նման թեմա չի քննարկվել: Ընտրությունների արդյունքների վերաբերյալ կարող ենք վստահություն ունենալ միայն դրանց հաջվարկից հետո: Դա վերաբերում է ցանկացած ընտրությունների, անգամ ընտրությունից մեկ ժամ առաջ նման վստահություն ունենալը, կարծում եմ, ճիշտ չէ», - ասաց նա:

«Ժողովուրդ» օրաթերթի տեղեկությունների համաձայն՝ առողջապահության նախարարի տեղակալ Լեւոն Հակոբյանը բիզնես կլաս դասի տոմսով ուղեւորվել է Նիդերլանդների թագավորություն 2 օրով: «Ժողովուրդ» օրաթերթի ձեռքի տակ հայտնված փաստաթղթի համաձայն՝ բիզնես կլաս դասի տոմսի արժեքը կազմել է 1.168 741 դրամ: Գիշերավարձի 2 օրվա համար առողջապահության նախարարի տեղակալը վճարել է 87.511 դրամ, իսկ 3 օրվա օրապահիկի համար՝ 140.103 դրամ, որի 1 օրվա վճարը հավասար է 111 եվրոյի: «Ժողովուրդ» օրաթերթը ոչ առողջապահության նախարարությունից, ոչ պաշտոնական այլ աղբյուրից այդպես էլ չգտավ տեղեկություն, թե ինչ նպատակով է փոխնախարարը բիզնես կլասով «շտապ գործուղվել»: Նիդերլանդներ: Նշենք, որ Լեւոն Հակոբյանը 2019 թվականին աշխատել է որպես ՀՀ առողջապահության նախարարի տեղակալ, իսկ 2020-2023 թվականներին՝ «Տաշիր Ինվեստ Գրուպ» ՓԲԸ-ի տնօրեն: 2023-2024 թվականներին եղել է ՀՀ առողջապահության նախարարի խորհրդակալ: Բժշկական գիտությունների թեկնածու է: Առողջապահության նախարարի տեղակալ կրկին նշանակվել է 2024 թվականի մարտի 27-ին ու համարվում է նախարարի վստահելի եւ «աչքն ու ականջը» թիմի ներսում:



Կոռուպցիոն բնույթի հանցագործությունները ապականել են Հայաստանը: Ներկայիս իշխանությունները 2018-ին իշխանության եկան հենց «Կոռուպցիոն բոլոր շրջանակները վերացնելու» խոստումներով: Նախկին պաշտոնյաները հայտնվեցին նրանց թիրախում, իշխանությունը հարուցեց քրեական գործեր՝ կարծելով, որ կոռուպցիայի առաջ հաղթանակել է: Սակայն, համաձայն ՀՀ վիճակագրական կոմիտեի հրապարակած տվյալների, 2023 թվականի հունվար-հունիս ամիսներին կոռուպցիոն բնույթի հանցագործությունների թիվը տարվա առաջին կեսին կազմել է 833 դեպք, իսկ հեղափոխությունից մեկ տարի անց՝ 2019-ին՝ 632 դեպք: 4 տարվա ընթացքում 201 դեպքով ավելացել են կոռուպցիոն բնույթի հանցագործությունները: Հենց սա էլ հետհեղափոխական պրոպ-պրոպ կոռուպցիան է, որ կարծես մտնում է դեկավար մարմինների ԴՆԹ-ի մեջ եւ դառնում ժառանգաբար՝ հորից որդուն փոխանցվող վարակ: Հարկ է նշել, որ 2024 թվականին կոռուպցիոն բնույթի հանցագործությունները արդեն իսկ կազմել են 648 դեպք. իսկ տարվա ավարտին դեռ 3 ամիս կա:



ԶՊ-ական պատգամավորներն արդեն երեք օր է ստորագրահավաք են սկսել արդարադատության նախարար Գրիգոր Մինասյանի պաշտոնանկության հարցով: Եթե պատգամավորների 1/3-ը՝ այսինքն 24 պատգամավոր, իրենց ստորագրությամբ համաձայնություն տա, ապա ԶՊ խմբակցության ղեկավարը Գրիգոր Մինասյանի պաշտոնանկության հարցը Փաշինյանի «սեղանին է դնելու»: «Ժողովուրդ» օրաթերթի տեղեկություններով՝ Գրիգոր Մինասյանի դեմ այս ստորագրահավաքի նախաձեռնողը Արմին Դավոյանն է՝ Անդրանիկ Քոչարյանի հանձնարարությամբ: Վերջինս ԶՊ նախաձեռնող նիստերից մեկի ժամանակ հենց Նիկոլ Փաշինյանի ներկայությամբ դժգոհել է Գրիգոր Մինասյանից եւ նրա պաշտոնանկության հարցն է բարձրացրել: Նիկոլ Փաշինյանն էլ թիմակիցներին ասել է՝ եթե բավարար չափով ստորագրություններ լինեն, ապա պատրաստ է քննարկել հարցը: Փաշինյանի նախնական «այո»-ն ստանալուց հետո՝ Արմին Դավոյանը լծվել է իր «պարտականության կատարմանը» եւ ստորագրահավաք նախաձեռնել: ԶՊ մեր աղբյուրների փոխանցմամբ՝ Գրիգոր Մինասյանի պաշտոնանկության հարցը վարուց է ԶՊ-ի օրակարգում եղել, խմբակցության ֆորմատով դժգոհությունները մի քանի անգամ քննարկվել ու մարել են, իսկ հիմնական պատճառն էլ նախարարի եղբոր՝ հետախուզման մեջ գտնվող, Վատիկանում ՀՀ նախկին դեսպան Միքայել Մինասյանի գործունե է եղել: Մեզ փոխանցում են նաեւ, որ թեեւ Գրիգոր Մինասյանին հեռացնելու հարցը այս օրերին ԶՊ-ի հիմնական օրակարգն է, բայց դեռ նրան փոխարինող անգամ չունեն: Բացի այդ, Գրիգոր Մինասյանին հրամանով պաշտոնանկ անելուց հետո, ավելի բարդ փորձություն է սպասվում ԶՊ-ականներին, քանի որ պետք է նաեւ Մինասյանի «քաղաքական ընկերոջը»՝ ԲԴԻ նախագահ Կարեն Անդրեասյանին հեռացնեն պաշտոնից, ինչը առավել դժվար է իրավական առումով, քանի որ այն անկախ սահմանադրական մարմին է, եւ ուղղակի հրամանով ազատել չեն կարող: Ուստի, հետաքրքիրն առջեւում է:



ՀԱՍԱՐԱԿՈՒԹՅՈՒՆ

ՄԱՐԶ

ՄԱՍՆԱԿԻՑՆԵՐԸ ՏՈՒԺՈՒՄ ԵՆ

Զինկոմիսարիատները, համայնքապետարանները խնդիրներ են ունենում 25-օրյա վարժական հավաքների մասնակիցներին հավաքագրելու գործում...

ԱԳՐԵԶԱՆԻՆ ՀԱՆՁՆՎԱԾ ՀԵՆԱԿԵՏԻՑ ԳՐՈՇԸ ՀԱՆԵԼ ԵՆ

Ոսկեվան գյուղի սահմանագոտում գտնվող «Նոր տարի» դիրքից աղբեջանական մեծ դրոշը հանել են: Հայտնի չէ, թե ինչն է դրա պատճառը...

ՆԱԽԱԶԵՐՆՈՒԹՅՈՒՆԸ ՇԱՐՈՒՆԱԿՎՈՒՄ Է

ԱՋԱԿՑՈՒԹՅՈՒՆ՝ ԱՐՑԱԽԻՑ ՏԵՂԱԿԱՆՎԱԾ ԸՆՏԱՆԻՔՆԵՐԻՆ

«Աֆեյան» հիմնադրամը ֆինանսական աջակցություն է սրամարել Արցախից սեղահանված ընտանիքներին: Ավելի լավ աշխատի կառուցելու նպատակով լուծումներ ձեռնարկելու և դրանք առաջ մղելու առաքելությամբ գործող «Աֆեյան» հիմնադրամը երեկ հայաստանից Արցախից ավելի քան 100,000 սեղահանված անձանց աջակցելու համար նախկինում հայաստանում 2 միլիոն ԱՄՆ դոլարի սեղաբաշխման ավարտի մասին: Այս ծրագիրը Լեռնային Ղարաբաղի բռնի սեղահանված բնակչությանն աջակցելու նպատակով Աֆեյանների ընտանիքի նախորդ նախաձեռնությունների շարունակությունն է:



«Արցախի ժողովուրդը տարիներ շարունակ ենթարկվել է դաժան և աներեւակայելի ճնշումների, և էթնիկ գտնված հետևանքով իրենց տնտեսական կարգավիճակը հետո՝ այժմ կանգնած է իր համար նոր միջավայրում կյանքը վերսկսելու իրողության առջև»,- ասում են «Աֆեյան» հիմնադրամի հոգաբարձուներ Նուբար և Աննա Աֆեյանները: «Արցախի ժողովուրդն ունի հանրային և մասնավոր հատվածների լայնածավալ աջակցության կարիքը, որպեսզի ստանա փրկությունից վերածնունդ, այնուհետև՝ դեպի բարգավաճում և ճանապարհն անցնելու համար անհրաժեշտ ռեսուրսներն ու օգնությունը»:

Աֆեյանները նշել են. «Մենք ոգեշնչված ենք կազմակերպությունների և անհատների ստվար խմբի ջանքերով, որոնք անդադրում աշխատում են Արցախի ժողովրդին օգնության ձեռք մեկնելու ուղղությամբ»:

Վերջերս «Աֆեյան» հիմնադրամը դրամաշնորհ է հատկացրել ՅՈՒՆԻՍԵֆ-ի ԱՄՆ գրասենյակին՝ Հայաստանում ՅՈՒՆԻՍԵֆ-ի ծրագրերի իրականացման համար: Դրանք կկենտրոնանան առավել խոցելի խմբի՝ երեխաների և դեռահասների հետ աշխատանքների վրա: Ծրագիրը գործելու է 18 ամիս և ուղղված է լինելու հոգեկան առողջության և հոգեբանական օգնության մատչելիության հասանելիության ապահովմանը, ինչպես նաև սոցիալական ներառման հնարավորությունների բարելավմանը հատկապես այն տարածքներում, որտեղ նման ծառայությունների հասանելիությունը սահմանափակ է:

Ծրագրի նպատակն է օգնել դեռահասներին և նրանց խնամակալներին տրամադրելով համակարգային աջակցություն, ինչն անհրաժեշտ է տրամադրի և սթրեսի դեմ պայքարելու, հասարակության մեջ թիրախավորումները նվազեցնելու և հյուրընկալող համայնքներում հոգեկան բարեկեցությունն ու սոցիալական համախմբվածությունը խթանելու համար:

«Աֆեյան» հիմնադրամը ֆինանսավորել ու աջակցել է ստորև նշված հայկական կազմակերպություններին և ծրագրերին.

- AIWA - EmpowerPath ծրագիր՝ ուղղված Արցախի կանանց հմտությունների զարգացմանը, աշխատանքի հնարավորությունների տրամադրմանը և ձեռնարկության աջակցությանը:
• AGBU - Ծրագրերը ներառում են Նաիրի ճամբարի ընդլայնումը, Արցախի տեղահանված բնակչության աշխատունակության բարձրացմանն ուղղված հմտությունների զարգացման ծրագրեր, ձմեռային մարդասիրական և անհապաղ օգնություն և Հայաստանում տեղահանված արցախցիների ապագայի վերաբերյալ CIVITTA կազմակերպության ուսումնասիրություն:
• American University of Armenia / US Embassy - Անգլերենի ուսուցման ծրագիր Ծիրակի մարզում հանգրվանած երիտասարդների համար:
• Armenia Artsakh Fund - Տեղահանված արցախցիներին դեղորայքի և մարդասիրական օգնության տրամադրում:

• Armenian Spiritual Revival Foundation - Արցախի տեղահանված բնակչությանը հոգեկան առողջության բարելավման խմբային և համայնքային ծառայությունների մատուցում և տեղացի մասնագետների համար հոգեբանական-սոցիալական վերապատրաստման ծրագրերի կազմակերպում:

- AYB School - 10 արցախցի աշակերտի համար կրթաթոշակների տրամադրում:
• Children for Armenia Foundation (COAF) - Աջակցություն «Հույս Արցախի համար» նախագծին, որի առանցքում վաղ մանկական զարգացումն է, դպրոցական ինտեգրումը և COAF-ի SMART կենտրոնի հասանելիության ապահովումը, ինչը ներառում է արտ-թերապիայի դասընթացներ և փախստականների կարիքներին հարմարեցված այլ հնարավորություններ:
• Teach for Armenia - «Կրթություն արտակարգ իրավիճակներում» ծրագիր՝ ուղղված նոր միջավայրում արցախցի ուսանողների ինտեգրմանը: Այն ներառում է մանկավարժների վերապատրաստում, արտադպրոցական միջոցառումներ, հոգեկան առողջության և հոգեբանական աջակցություն, ինչպես նաև՝ ուսանողներին ակադեմիական օգնության տրամադրում:
• UWC Dilijan - Արցախցի երկու ուսանողի համար երկու տարվա կրթաթոշակի տրամադրում, ինչպես նաև 10 ուսանողի ամառային ճամբարի ֆինանսավորում:

ԵՐԱՆՏԱԳԻՏՈՒԹՅԱՆ ՄԵՂԱԼ

ՆԱԽԱԳԱՀԸ ՊԱՐԳԵՎԱՏՐԵԼ Է ՑՈՒՑԱԲԵՐԱԾ ՕԳՆՈՒԹՅԱՆ ՀԱՄԱՐ

ՀՀ նախագահը «Ռուսական երկաթուղիներ» և ՀԿԵ ընկերությունների ղեկավարներին դարձրեց Վերականգնողական մեդալով: Հանրապետության նախագահ Վահագն Խաչատրյանի հրամանագրով «Ռուսական երկաթուղիներ» ԲԲԸ գլխավոր սթորեն - խորհրդի նախագահ Օլեգ Բեդրյուզովը և «Հարավկովկասյան երկաթուղի» ՓԲԸ գլխավոր սթորեն Ալեքսեյ Մեդնիկովը դարձրեցին ՀՀ նախագահության մեդալակիր:

ման գործում նշանակալի ավանդի համար»:

Երախտագիտության մեդալը շնորհվում է պետական, տնտեսական, սոցիալական, գիտակրթական, հասարակական ոլորտներում ծավալած գործունեության, առողջապահության, կրթության, մշակույթի ոլորտների զարգացման գործում անձնական մեծ ավանդի, երկարամյա նվիրված և արդյունավետ աշխատանքի համար:

2024 թվականի մայիսի 25-ին երկարատև տեղումների հետևանքով, որին հաջորդել է Դեբեդ գետի վարարումը, տեղի է ունեցել բնակավայրերի ջրածածկում, ինչպես նաև վնասվել են ավտոճանապարհային և երկաթուղային ենթակառուցվածքները, այդ թվում՝ 1800 մ գծային ճանապարհ, կոնտակտային ցանցի 45 հեռավորություն, մի շարք քարշային ենթակառուցվածքների էլեկտրամատակարարման խափանում, երկաթուղային ավտոմատացման միջոցների վնասում: Սահմանափակ ժամանակահատվածում իրականացվել է հսկայական քանակությամբ հողային աշխատանքներ, վերականգնվել են երկաթուղային գծի կիրովտերեր, կոնտակտային ցանցերը, կապի համակարգերը և քարշային ենթակառուցվածքները: Մինչև երթուղիների վերականգնումը ստեղծվել է առաջնահերթ բեռները Հայաստան հասցնելու ժամանակավոր սխեմա: «Ռուսական երկաթուղիներ» և ՀԿԵ ընկերությունները ավելի քան 800 մլն դրամ են հատկացրել ավերիչ աղետի հետևանքները վերացնելու համար:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 16 պատահար. 23 մարդ ստացել է տարբեր աստիճանի մարմնական վնասվածքներ:

ՄՇԱԿՈՒՅՑ

ՄՇԱԿՈՒԹԱՅԻՆ ՓՈԽԱՆԱԿՄԱՆ ՏՈՆ

ՀԱՄԵՐԳԱՅԻՆ ԵՐՋԱԳԱՅՈՒԹՅՈՒՆ՝ ՀՆԴԿԱՍՏԱՆՈՒՄ

Մանսրո Սիփան Օլահը և Լոնդոնում գործող հայցնի «Քլինգեն» կամերային անսամբլը հաջողությամբ ավարտեցին իրենց առաջին համերգային երջագայությունը Հնդկաստանում՝ գերելով հանդիսատեսին Կալկաթայում, Նյու Գեյլիում և Չեննայում: Այս եզակի ելույթները կազմակերպվել էին Հնդկաստանում Հայաստանի դեսպանության կողմից՝ Կալկաթայի Սուրբ Նազարեթ հայկական եկեղեցու, Հնդկաստանի մշակութային կադերի խորհրդի (ICCR), Չեննայում Հայաստանի դեսպանը հյուրասուսի և Քլինգեն երջագայությունը և մշակութային ասոցիացիայի հետ համատեղ: Երաժիշտներ Հայաստանի եղիկյանը՝ սողրանո, Պոլինա Շարաֆյանը՝ ջութակ, Ջեֆ Հակոբ Մուրադյանը՝ հորոյ, Նիկիտա Գեմիդենկոն՝ դաճաճումը Լոնդոնից՝ համագործակցելով Վաչե Թադեոսյանի հետ՝ անգլիական փող, Սոմնաթ Մախալը՝ թավջութակ Կալկաթայից, իրենց կատարումներով գերեցին հանդիսատեսին:



Մշակութային Փոխանակման Տոն Համերգաշարը նվիրված էր Հայաստանի Հանրապետության անկախության 33 ամյակին և ֆրանսահայ լեզվաբան երգիչ, կոմպոզիտոր Շառլ Ազնավուրի ծննդյան 100 ամյակին: Ներկայացումներում հնչեցին հայ նշանավոր կոմպոզիտորների գլուխգործոցները, այդ թվում՝ Կոմիտասի, Արամ Խաչատրյանի, Առնո Բաբաջանյանի, Ղազարոս Սարյանի և Ռոբերտ Ամիրխանյանի գործերը, որոնցից շատերը առաջին անգամ էին հնչում Հնդկաստանում:

Սյու Դելի - 2024 թվականի սեպտեմբերի 19-ին և 20-ին, Քլինգեն կամերային անսամբլի համերգները տեղի ունեցան համապատասխանաբար Grand Hotel-ում և ICCR-ի «Ազադ Բհավալ» համերգասրահում: Սեպտեմբերի 19-ի միջոցառումը կարեւորվեց Հնդկաստանի արտաքին գործերի պետական նախարար Կիրթի Վարդան Սինգի մասնակցությամբ, ով միացավ Հայաստանի դեսպան Վահագն Աֆյանին՝ նշանավորելու այս կարեւոր մշակութային իրադարձությունները: Միջոցառմանը ներկա էին ավելի քան 50 դեսպաններ, դիվանագետներ և ավելի քան 200 հարգարժան հյուրեր, ովքեր մեծ հիացմունքով ընդունեցին մանսրո Օլահի ղեկավարած անսամբլի կատարումները: Երրորդ համերգի ընթացքում անսամբլի անդամները Ռոտարի շրջանների կողմից արժանացան հատուկ մրցանակների՝ ICCR-ում իրենց վառ ելույթի համար, որն արժանացավ հանդիսատեսի բուռն ծափահարությունների և հիացմունքի:

Հ. ԲԱՂՂԱՍՍՐՅԱՆ

ԳՐՈՂԻ ՄԱՅՐԱՆ 54-ԱՍՅԱԿՆ Է

ՄԱՐԴԿԱՅԻՆ ԷՈՒԹՅՈՒՆԸ ՊԱՏԵՐԱԶՄԻ ՄԵՋ ԿԱՄ ՊԱՐԶԱՊԵՍ ՌԵՄԱՐԿ

Էրիկ Մարիա Ռեմարկը գերմանացի գրող է, ով առավել հայցնի է իր հակադրաբանական վեպերով: Ռեմարկը մասնակցել է Առաջին համաշխարհային պատերազմին, ինչը հետագայում մեծ ազդեցություն ունեցավ նրա գրականության վրա:



Նրա ամենահայտնի ստեղծագործություններից մեկը՝ «Արեւմուտքի ճակատում փոփոխություն չկա» (1929), պատկերում է պատերազմի անարդարությունը և դրա կործանարար ազդեցությունը զինվորների հոգեբանության վրա: Այս վեպը համարվում է հակապատերազմական գրականության գլուխգործոցներից մեկը: Ռեմարկի ստեղծագործությունները հաճախ կենտրոնանում են մարդկային կորուստների, ապրումների և պատերազմի պատճառած վերքերի վրա: Նացիստական վարչակարգի ժամանակ նրա գրքերը արգելվեցին Գերմանիայում, և գրողը ստիպված էր արտագաղթել ԱՄՆ: Ռեմարկի մյուս հայտնի գործերն են «Վերադարձ» (1931), «Հաղթական կա-

ները մինչ օրս ամենաընդգրկվածներից են սիրվածներից են, որոնք ցավոք սրտի կամ բարեբախտաբար՝ չեն կորցրել իրենց արդիականությունը: Սեպտեմբերի 25-ը Էրիկ Մարիա Ռեմարկի հիշատակի օրն է: «Ժողովուրդ» օրաթերթը ներկայացնում է գրողի հայտի մի քանի մտքեր: «Պատերազմը չի ավարտվում, երբ կրակոցները դադարում են: Այն ապրում է մարդկանց մեջ երկար ժամանակ՝ քանդելով նրանց ներսից»: «Մենք ապրում ենք՝ սպասելով մահվան, և մահանում ենք՝ երբ գրեցի կյանքը»: «Մարդկային կյանքի ամենաբարձր արժեքը հանգստությունն է: Մենք այն փնտրում ենք ամբողջ կյանքում»: «Մերը չի հանդուրժում բացատրություններ, նրան արարքներ են պետք»: «Մարդիկ հաճախ իրենց մեջ ատում են այն, ինչ չեն կարողանում փոխել»: Ահա այսպես է հանրահայտ և սիրված գրողը գրել և հասել իր ընթերցողի հոգու խորքը: ԱՆՆԱ ՍՏՊՊԻՈՆՅԱՆ

ՄԱՐԶԱԿԱՆ

ԱՆՆԱ ԱՄՐՈՅԱՆԸ՝ ԲՐՈՆԶԵ ՄԵԴԱԼԱԿԻՐ



Աննա Ամրոյանը դարձել է Ծանրամարտի երիտասարդների աշխարհի առաջնության բրոնզե մեդալակիր: Մարզիկը երկամարտում գրանցել է 228 կգ արդյունք: Աննա Ամրոյանը Նաեւ Նվաճել է փոքր բրոնզե մեդալ՝ հրում վարժությունում գլխավերելում պահելով 128 կիլոգրամանոց ծանրածոցը:

ՌԻԵՖՅԱՆՆ ՎՃԱՐՆԵՐԻ ԿՈՐ ՎՃԱՐՆԵՐԻ ԿՈՐ ՀԱՄԱԿԱՐԳ Է ԸՆԴՈՒՆԵԼ

Եվրոպական ֆուտբոլային ասոցիացիաների միության (ՌԻԵՖԱ) գործադիր կոմիտեն հաստատել է Նոր համակարգ՝ 2024-2027 թվականներին եվրագավաթներում չմասնակցող ակումբների համերաշխության վճարների բաշխման համար: Այդ ակումբների հատկացումների բաժինը կազմի 4%-ից մինչև 7%՝ կանխատեսվող 4,4 միլիարդ եվրո եկամտի շեմից: Այդ գումարը կկազմի 308 միլիոն եվրո, ինչը գրեթե 80%-ով ավելին է Նախորդ շրջանի հատկացումից: Բացի դրանից, հինգ առաջատար ֆեդերացիաների (Ասիայի, Իսպանիա, Իտալիա, Գերմանիա և Ֆրանսիա) համար սահմանվել է առավելագույն սահմանաչափ՝ 10 միլիոն եվրո: Մնացած 50 ասոցիացիաների համար միջոցների ծավալը կազմի ներկայիս 135 միլիոնից մինչև 258 միլիոն եվրո: Այս միջոցների 70%-ը կբաշխվի ՌԻԵՖԱ-ի ցուցանիշային աղյուսակի տեղերի հիման վրա, իսկ 30%-ը՝ ըստ ամենաշատ եկամուտ ունեցող ակումբի, յուրաքանչյուր ասոցիացիայի համար: ՌԻԵՖԱ-ի գործադիր կոմիտեի նիստը կայացել է Պրահայում:

ՌԱՖԱՅԵԼ ՎԱՐԱՆԸ՝ ԿԱՐԻԵՐԱՆ ԱՎԱՐՏԵԼՈՒ ՄԱՍԻՆ

Ֆրանսիացի պաշտպան Ռաֆայել Վարանը հայտարարել էր կարիերան ավարտելու մասին: 31-ամյա ֆուտբոլիստը խոսք է հղել այդ առիթով: Վարանի վերջին ակումբը եղավ «Կոմոն», որտեղ ֆրանսիացին անցկացրեց ընդամենը 23 րոպե՝ փոխարինվելով ծնկի ծանր վնասվածքի պատճառով: Վարանն իր կարիերայի ընթացքում հանդես է եկել Մարսիլի «Ռեյլինգ» և «Մանչեսթեր Յունայթեդի» կազմում: 2018 թվականին ֆուտբոլիստը Ֆրանսիայի ընտրանու հետ դարձել է Աշխարհի չեմպիոն:

● Հոկտեմբերի 28-ին՝ ժամը 19:00-ին, Հ. Ղափլանյանի անվան դրամատիկական թատրոնում կցուցադրվի «Մեծ լռություն» ներկայացումը: Տոմսերի արժեքը՝ 2.000-3.000 դրամ:



ՍՈՑԻԱԼԱԿԱՆ

ՀԱՐՑ. Ի՞նչ սկզբունքով է վճարվում նոյասի դա-կաս մասը:

Ռիտա Մինասյան (24 տարեկան)



ՊԱՏԱՍԽԱՆ.

Սխալ հաշվարկելու հետևանքով պակաս վճարված նպաստի գումարի վճարումը կատարվում է առանց ժամկետի սահմանափակման: Ընդ որում՝ վարձու աշխատողներին պակաս վճարված նպաստի գումարը գործատուն վճարում է իր միջոցներից սխալը հայտնաբերելուց հետո՝ մեկ ամսվա ընթացքում:

Վարձու աշխատողի մայրության նպաստը վերահաշվարկվում է նաև սույն օրենքի 24-րդ հոդվածի 6-րդ մասով սահմանված ժամկետում իր եկամտի վերաբերյալ վարձու աշխատողի կողմից գործատուին (նպաստը հաշվարկող եւ վճարող) լրացուցիչ տեղեկատվություն ներկայացնելու դեպքում: Այս դեպքում մայրության նպաստը վճարվում է սույն օրենքի 24-րդ հոդվածով սահմանված կարգով:

Ավել վճարված նպաստի գումարի հետպահումները կատարվում են գործատուի կամ լիազոր մարմնի որոշմամբ, եթե նպաստը նշանակվել է վճարվել է հաշվարկային մեխանիկական սխալների կամ նպաստը ստացողի կողմից սխալ տեղեկություններով փաստաթղթեր ներկայացնելու հետևանքով:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՐԳ».

Ավել վճարված գումարը հետ է պահվում ամբողջությամբ: Հետպահումը կատարվում է նպաստի հաջորդ վճարումներից կամ աշխատավարձից, ընդ որում՝ հետ պահվող գումարի չափը յուրաքանչյուր անգամ չի կարող գերազանցել վճարվող նպաստի կամ աշխատավարձի 20 տոկոսը:

ՍԱՀՄԱՆԱԴՐՈՒԿԱՆ

ՀԱՐՑ. Ո՞րն է Վճռաբեկ դատարանի իրավասու-թյունը:

Գեղամ Գալստյան (35 տարեկան)



ՊԱՏԱՍԽԱՆ.

Վճռաբեկ դատարանը վերանայում է Վերաքննիչ դատարանի, իսկ օրենքով նախատեսված դեպքերում՝ իր կայացրած դատական ակտերը: Վճռաբեկ դատարանը դատական ակտերն օրենքով սահմանված լիազորությունների շրջանակում վերանայելու միջոցով՝

- 1) ապահովում է օրենքների եւ այլ նորմատիվ իրավական ակտերի միատեսակ կիրառությունը,
- 2) վերացնում է մարդու իրավունքների եւ ազատությունների հիմնարար խախտումները:

Օրենքների եւ այլ նորմատիվ իրավական ակտերի միատեսակ կիրառությունը Վճռաբեկ դատարանն ապահովում է, եթե առկա է իրավունքի զարգացման խնդիր, կամ տարբեր գործերով դատարանների կողմից նորմատիվ իրավական ակտը տարաբնույթ է կիրառվել կամ չի կիրառվել տարաբնույթ իրավաբանական հետևանքով:

ՀՀ ընդհանուր իրավասության դատարան

«ԺՈՂՈՎՈՐԳ».

Մարդու իրավունքների եւ ազատությունների հիմնարար խախտումները վերացնելու նպատակով Վճռաբեկ դատարանը վերանայում է այն դատական ակտերը, որոնք խաթարում են արդարադատության բուն էությունը:

ԼՈՒՐ ԿԱԴՐ

Լուսանկարը՝ համացանցից



Կոմիտասի անվան կամերային երաժշտության տունը համալրվել է նոր շոյալով, գործիքը բանալիով բացելու եւ այն առաջինը փորձարկելու պատիվը վերապահվել է մատերի Տիգրան Մանսուրյանին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկուստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Զեղ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբանաբար ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+3 + 8 +18 + 23	☀	Արարատ	+13 + 15 +25 + 27
☀	Կոտայքի լեռներ	+4 + 7 +18 + 21	☀	Արմավիր	+12 + 14 +25 + 27
☀	Կոտայքի նախալեռներ	+11 + 13 +22 + 24	☀	Վայոց ձորի լեռներ	+6 + 8 +17 + 20
☀	Գեղարքունիք	+4 + 8 +17 + 20	☀	Վայոց ձորի նախալեռներ	+13 + 15 +25 + 27
☀	Լոռի	+6 + 10 +18 + 21	☀	Սյունիքի հովիտներ	+16 + 18 +23 + 26
☀	Տավուշ	+8 + 13 +20 + 24	☀	Սյունիքի նախալեռներ	+8 + 11 +19 + 21
☀	Արագածոտնի լեռներ	+4 + 7 +17 + 20	☀	ԼՂՀ	+8 + 10 +17 + 19
☀	Արագածոտնի նախալեռներ	+10 + 14 +21 + 25	☀	Երեւան	+18 + 20 +23 + 25

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 25.9.2024
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: